

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 458012 23 St
Tuzla, 05.12.2024. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „LOTOSICE“ d.o.o. za zapošljavanje i profesionalnu rehabilitaciju osoba sa invaliditetom Tuzla, ul. Peje Markovića broj 14, nakon provedenog stečajnog postupka, donio je dana 05.12.2024. godine sljedeće:

RJEŠENJE

OTVARA SE stečajni postupak nad imovinom dužnika „LOTOSICE“ d.o.o. za zapošljavanje i profesionalnu rehabilitaciju osoba sa invaliditetom Tuzla, ul. Peje Markovića broj 14, matični broj subjekta 1-13217, JIB: 4209678540006, račun broj; 1321000311694085 otvoren kod NLB banke d.d. Sarajevo.

Za stečajnog upravnika imenuje se Osman Šećerović iz Tuzle.

ZAKLJUČUJE SE stečajni postupak nad imovinom dužnika „LOTOSICE“ d.o.o. za zapošljavanje i profesionalnu rehabilitaciju osoba sa invaliditetom Tuzla, ul. Peje Markovića broj 14, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 458012 23 St od 04.03.2024. godine, pokrenut je prethodni postupak radi utvrđivanja uslova za otvaranje stečajnog postupka nad imovnom društvu „LOTOSICE“ d.o.o. za zapošljavanje i profesionalnu rehabilitaciju osoba sa invaliditetom Tuzla, ul. Peje Markovića broj 14, a za privremenog stečajnog upravnika imenovana je Osman Šećerović iz Tuzle, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 21.03.2024. godine. Iz izvještaja privremenog stečajnog upravnika i navoda datih na ročištu proizilazi da društvo ne posluje od 2018. godine kada su i objavljeni svi radnici društva. Svi računi društva su blokirani, glavni račun je blokiran konstantno od dana 27.04.2018. godine. Iz uvjerenja proizilazi da društvo ima obaveze prema PU F BiH u iznosu od 28.634,33 KM i prema UIO BH u iznosu od 715,43 KM s tim da bi tačnu visinu obaveza bilo moguće utvrditi samo putem prijave potraživanja u slučaju otvaranja stečajnog postupka. Društvo u vlasništvu nema nepokretnosti (djelatnost je obavljalo u zakupljenim prostorijama u vlasništvu Remontmontaža d.d. Tuzla po osnovu ugovora o zakupu koji se ima smatrati raskinutim 12.07.2016. godine), nema bilo kakvih pokretnih stvari, novčanih sredstava niti druge imovine iz koje bi bilo moguće finansirati troškove stečaja i namiriti potraživanja povjerilaca.

Dakle, sud nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti (prijedlog podnesen 29.12.2023. godine), da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 30.04.2024. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.192,00 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 35/24 dana 15.05.2024. godine, oglasnoj tabli suda dana 03.05.2024. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.